

織簾書屋詩鈔

織簾書屋詩鈔卷三 辛巳至庚寅

天津 沈兆澐 雲巢

辛巳重至都門疊丁丑留別韻

時館於張秋
艇前輩家

萍蹤依舊寄西華
居借書齋出借車
香送旃檀鄰古寺
池開菡萏賞新花
五年詞館今重到
八詠詩才衆漫誇
望裏當時傳制地
觚棱金爵麗朝霞

再疊前韻

東家博物似張華
錦軸牙籤三十車
炎日影移當戶柳
好風香送隔牆花
說詩序信毛公確
紀事文疑左氏誇

最喜及門人幼慧天才早解賦飛霞

謂張生桐育

海淀

日長無事小神仙出郭看山笑舉鞭十丈輭紅消宿雨
一痕晴翠入遙天危橋彩落薊門外香稻花開湖水邊
松石盤陀稱勝絕何時躡屐碧峯巔

送劉石曇同年出宰象山

夕照金臺外秋風匹馬行花迎潘令旆鞭指越州城地
有湖山美人知官長清京華勞悵望縞紵舊交情

昔在彊圉歲登朝釋褐初五言君筆健八詠我才疏並

待金門詔同窺石室書柯亭與劉井聯襪自容與
聚散嗟無定歸與愴素冠雲山千里隔霜雪一庭寒沾
口滄溟接城頭姑射看三年重話舊宦轍又長安
塵飛十丈長人海一身藏流水憐同調秋花勵晚香屋
低依梵宇夢好到家鄉薄宦鷓鴣意凌空看鶴翔
剝啄時相訪嚴寒臘月天竹鑪晨煮茗樺燭夜分箋論
古胸襟拓忘形禮數捐瀛洲春色早約醉杏花前
聖世需儒吏蒼生仰望深班超乍投筆宓子遠鳴琴玉
署入輒影冰壺一片心分途原不隔友誼總苔岑

捧檄娛親喜遐征興獨豪怨辭湘水瑟

初選湖南

壯看廣陵

壽行篋新詩滿詞垣舊價高梅岑近仙境海上踏靈鼈
曉月澹蘆溝天涯起別愁沙飛隨去鴈山轉隱行騶橐
筆趨芸館栽花傍海樓萍蹤無定在他日儻同遊

讀潘石舟先生文集

從古文章逋峭難百篇新校得傳看游行自在推敲細
議論無多意境寬思舊情深長住世先生壽八十餘著書心暇
早辭官中郎手澤貽畱少賸有文姬爲守殘謂虛白夫人

月夜懷澗田兄

月明花影上層檐
閨夏都忘暑氣添
長笛晚風來別院
微波秋意勤疏簾
時當覓句茶成癖
心到忘機夢亦恬
記否春深池草碧
小樓同對雨廉纖

題虛白夫人課孫圖照

瑜珥瑤環早授經
相期繩武到槐廳
遺編已見傳韋逞
記硯還應憶范馨
松老陰留三徑綠
桐新雨撲一鎗青
含飴此樂知何極
長誦清芬滿謝庭

題徐晴圃舅氏拈花圖照

大千世界慈雲護
宰官身是菩提樹
一枝花散萬家春

詎同豎指矜超悟舅氏善根本非凡石麟慧業由天賦
染翰早登紅藥階承 恩遂致青雲路 天子屏藩咨
重臣秉節巡行德惠布秦地關河泰嶽雲襜帷到處流
甘露八功德水潤無偏霓旌又向閩山駐拯救咸登大
願船扶持盡得迷津渡人大歡喜受福多我自平等因
物付有如手握妙蓮花花落諸天紛無數放彌六合卷
一拳深心偶爾託豪素圖成歸來紫禁中薇省崇班聯
鵷鷺閱歷自昔證因緣侍從於今隆眷注退直從容文
讌開長卷傳看競題句微笑莫作參禪觀無量慈悲於

斯寓十年黃閣掌絲綸記取僧房曾煨芋

送小園之山東

寒士輕離別風霜飽客舟憐君湖上返又作濟南遊山
遠重重樹煙明點點秋他鄉逢舊識莫更感登樓

消寒八詠和小舫

錄四

附耳製彌工能防撲面風熱如生酒後寒任透牆中豈
以規爲瑱眞堪靜養聰家翁應可作漸解學癡聾耳套
兼味勝辛盤多時不覺寒自參調鼎用休作熱中看筵
上如增竈尊前愧素餐炊煙幾家斷莫漫棄羹殘火鍋

水暖氣蒸蒸憑消瓦硯冰湧思宜若此呵凍竟何曾性
豈因人熱功原潤物能淋漓濡大筆獨占最高層水硯
豹舄曾傳楚良工巧織成看梅頻踐約踏雪自閒行展
異山頭著春從腳下生履冰還凜凜穩步問前程皮襪

登龍樹院蒹葭閣

蒹葭繞閣莽蒼蒼閣外車行似泛航秋水澄鮮魚蟹美
宦遊爭得不思鄉

鉦兒登乙酉賢書誌喜

抱孫曾望早成名

先大夫有吾衰還望早成名句

喜預賓筵聽鹿鳴九

轉金丹開鼎速一年碧藻挹香清和凝衣鉢傳先達

試文

最爲主考王研農先生所賞因蘇頲文章望後生星宿

以已中鄉闈第三十九名界之

駢羅光遠耀先大夫乾隆甲午先伯庚子皆中副榜第

二十八名先伯旋中丙午第十四名舉人

雲卿繼起振家聲

聞琴

何人雅興託絲桐爲想襟期俗慮空秋水波澄風定後
春花影淡月明中餘閒幽徑調仙鶴逸響遙天答暮鴻
長嘯深林應獨坐知音或許伯牙同

夏日偶成

錄六

萬人如海一身藏

用蘇句

消受南窗夏月涼睡起呼童烹

茗茗鄰家風送棗花香

朝衫典盡且提壺幾度端陽興不孤得句兒童隨手錄
黏窗權作赤靈符

閉門卻掃坐焚香無事方知夏日長記得曉鶯啼細雨
春來祇爲看花忙

院小何妨地一弓炎天不透日光紅階前種得忘憂草
領略清香是靜中

殘碁算罷枕書眠清福能消始是仙最喜敝門無熱客

披襟解帶晚風前

世事從來貉一邱有人騎鶴上揚州襟懷我自如秋水
高臥元龍百尺樓

讀史

大難初平民休息法令簡明勤守職日飲醇醪聊寄耳
吏擇謹厚斥深刻善隨成規是通才不務爭名真卓識
讀史我愛漢蕭何舉曹參代畫一歌

咄咄世間真怪事虛名經略重任寄許昌敗退損國威
洛陽輕進等兒戲構隙不交平勃歡桓溫兵至遽思避

讀史我笑晉簡文清談殷浩爲將軍

朔方節度軍容盛十萬貔貅咸用命刁斗聲高夜月闌
旌旗彩煥朝暉映指顧威嚴勝算操寬大不敢學中令
讀史我愛郭子儀識李光弼自偏裨

泥古迂闊工文章昵比宵小讐忠良許身直等皋稷契
言利乃祖桑宏羊任勞任怨行新法緣飾經術流毒長
讀史我薄曾公亮薦王安石爲宰相

和盧白夫人對菊有感

不隨羣卉競春妍閱盡淒風苦雨天獨有晚香標勁節

好從古佛悟前緣故園零落偏增感荒徑盤桓漫自憐
作頌才華推百世名花記取號延年

都門幾度厯星霜回首催詩擊鉢忙地下故人今宿草
客中佳節又重陽招魂往事曾悲宋化蝶何心欲問莊

兩元前輩丁丑重陽有招魂何處
續離騷之句遽歸道山竟成詩讖卻喜庭前蘭盡秀不

須辛苦歎滄桑

小園小舫笠樵諸甥皆以
乙酉與鉅兒同登秋榜

秋深老圃又敷榮舊第猶傳宰相名

居梁文莊公故第

絕俗有

人同傲骨傾家釀酒得長生澹中彌覺含真意采處何
須歎落英冒雨登高興無盡淋漓詩句倩催成

感懷四首

年年索米向長安春草吟餘耐歲寒貧典鸛裘供貰酒
歡承魚鮓勸加餐閉門謝客身多病緩步看花興欲闌
人海茫茫甘寂寞著書原不負儒冠

忝陪侍從列仙曹蒲柳先秋歎二毛古調自彈廣陵散
新聲終愛鬱輪袍催租吏聽吟詩慣乘傳人看作耨豪
慚愧菲才何所補年來鶴俸已頻叨

無聊兀坐酒杯空聽徹鄰雞短夢中待卜牛眠悲淺土
思聯鴈序盼秋風分金無術酬知己舉火多人望振窮

碌碌浮生堪一笑由來末技是雕蟲

作史休文浪得名清才幾輩尚諸生教兒舊學南岡續

奉母

新恩北闕迎繞膝分甘憐小弱

癸未冬得一孫

盈庭問

字集羣英人生至樂當前足漫說金章紫綬榮

村醪

薄寒市村醪價賤不計緡味過藜藿苦性似薑桂辛麴
生惡劣耳清冽欲亂眞時復一中之如近僞賢人水泉
本不香醞釀何由醇養和蕩邪穢棄置勿復陳我思周
公瑾結交情相親未飲心先醉陶然四時春

玉竦橋

我居長安久半在太液西門外卽仙境百尺駕虹霓
菖浮碧水亭亭出污泥朝露街塵淨香風引馬蹏屢過
頗不厭波平欄檻低時見淡煙裏水禽無數棲

敬睹 先大夫所遺念珠有感

投贈牟尼淚潸然感酬高誼薄雲天琴書檢罷餘囊篋
故物於今四十年

先大夫宰吳川前尹王公虧帑不得歸先大夫憐其貧老慨然代償王

公感泣以先德所遺念珠爲贈曰願畱爲公子翰苑之用時余方五齡

摩挲幾度倍淒然庭訓徒承到木天恨煞清貧謀救水

纔思祿養已衰年

定興懷鹿忠節公

伯仲高陽節烈名山河氣壯日星明參謀戎馬賢丞相

衛國干戈舊問卿竹簡理探無字奧

公嘗云讀有字冰書要識無字理

壺心絕一塵清參天松柏江村

公居里名

上想見當年命世

英

清苑方恪敏公祠

附祀來青葆巖兩開府

祠宇臨河涘精藍曲徑通去思百年後繼美一堂中水

濬東西淀名齊大小馮清癯瞻道貌圖書挹光風

寺僧出公

畫像

渡渾沱河

月落鐙火明五更出城郭一水無障隄色濁聲澎湃
褰齊踏波人馬爭騰蹕輿夫咄嗟行疾如不著腳頃刻
亂流過官道塵埃撲回望恒山高晨曦挂林薄昔年井
陘去嚴寒水耗涸長亭訪蕪蕪輕車試略徠深秋隔歲
還淤泥阻芒屨縱橫互斷連負戴勞繹絡不深不淺閒
茲行差足樂履險如夷途惡池殊不惡

湯陰謁岳廟

鬱鬱前朝樹南枝綠蔭繁
烝嘗仍故里宇宙此中原
冤獄成三字孤忠奉一尊
填詞幾回讀正氣塞乾坤

信陽懷何大復先生

香風紫稻間紅蓮
漉漉淮流萬頃田
路出中州平地盡
山圍七澤暮雲連
草堂人去餘荒墅
詞客名高似謫仙
明月篇成誰嗣響
當頭妙悟豁秋天

平靖關

一名恨這

磬折攀危磴高秋宿雨停
地通淮水細天入楚山青
橘柚熟垂樹蒹葭寒覆汀
星軺朝爽挹漫恨險途經

蒲圻萬年庵和壁間吳文恪公韻

稅駕橋邊寺聲聲打稻喧
鴨頭新水漲鴉背夕陽翻
妙墨瞻真蹟皇華荷聖恩
星沙前去近感舊過程門

長沙

劉文恪公爲
余庚午座師

湖南闡中作

清秋羣彙芷蘭香
試院宏開選佛場
百代詞章尊屈宋
九州山水秀衡湘
堂深垂幕月移影
人靜披沙星有光
記得師門叨賞識
還期得士繼歐陽

曉發湘陰

無數青山薄霧遮緣山點點幾人家微茫一片如鋪雪
開遍秋原蕎麥花

偕岳州劉太守登岳陽樓望洞庭湖

放眼頃刻八百里侵曉登城臨湖水撲檐七十二峯青
山光倒入寒流底浪頭高擁朝霞紅清秋寥廓開天容
水天一碧浩無際依稀雲影蒼梧中樹杪葉葉征帆上
斜趁晨光明萬丈白沙巴邱與低昂青草汨羅互迴盪
飛閣九月霜氣深天風吹落仙人吟蛟龍潛聽喜欲舞
波心鱗甲翻黃金茲遊我是不速客攜手文房舊相得

坐久樓外煙冥冥看月徑擬永今夕

岳陽樓

秀甲東南氣鬱蟠湖山勝概入遐觀白螭明月三湘闊
黃鶴秋風一劒寒花見梅亭拳石細波餘橘井社煙殘
危樓四絕畱千古

岳陽樓以范文正記蘇文忠書不厭
滕宗諒修樓邵竦篆額爲四絕

登臨幾度看

三閭大夫祠

澤畔叢祠帶薜蘿依依香送菰蘭多孱王遺恨餘三戶
詞客招魂續九歌落日猿嘯青竹嶺淒風瑟泛洞庭波

寒泉一掬陳秋菊獨醒無煩薦叵羅

黃陵廟

黃陵磯下秋波長黃陵廟前秋草荒汀洲浩蕩排牙樯
神鴉相逐爭翱翔目極鴻鴈歸衡陽丹楓葉落西風涼
二十五絃韻悠揚帝子哀怨來瀟湘龍馭一去白雲鄉
九嶷望斷煙蒼茫江皋斑竹凝寒霜愁余北渚徒彷徨
霞爲帳兮珠爲裳明珠翠羽仙人妝行客絡繹陳椒漿
揭車杜若紛馨香依稀環珮聲琅琅靈旗冷月搖清光
乘潮直下君山旁巴人一曲歌漁郎

讀日者傳

史遷日者傳其意不在卜聊藉季主言閎肆詬庸俗卑
疵與熾趨詐飾以求欲曲盡巧宦情喁喁鄙食肉自古
箕穎流方術恆託足郎宗遁安邱君平隱西蜀旣不徇
名譽亦異校圖籙綽有高世風遠舉羨鴻鵠語長感慨
多文豈少孫續我希六一公不厭百回讀

已丑春闈和李芝齡前輩闈中紀事韻

奎垣星聚象呈奇

今科五總裁

齊拜

天書下玉墀四度掄

材丑兼未

太傅相國曹儼笙師四主會闈皆以丑未

一堂校士友同師

研農大司

馬主壬戌會聞茲總裁芝齡詩騰異彩忻窺豹才著先
退旃詠齋三前輩皆門下士鞭勉駕驪緒論聞來知取法文章古雅不隨時

杞梓曾搜衡嶽奇恩綸又復拜丹墀同時舊雨來分

席毛春門邵丹畦孫心筠慕如山而月春風坐近師巨
庚午同年王曉林丁丑同年

筆樓臺誰造鳳仙才瀛海競探驪脊深簾幕明如水回
首丹成月落時

送及門楊慰農明府之官四川

舊是趨庭地西川捧檄來輕輿山路穩芳樹棧雲開政
有籌邊略文高諭蜀才三軍重道故旌節錦城隈

小舫太史出宰甘泉詩以送之

秦關百二雄西去遠乘驄短笛餘羌俗殘碑問塞翁
千山廊月外一夢木天中勉作親民吏何須詞賦工

送及門王立齋明府之官江南

司馬才名冠蜀中知君不愧薦揚雄高文獨具凌雲氣
密詠從徵伏案功紫電青霜羅武庫重山複水入詩筒

元琳信有如椽筆循吏還期繼祖風

令祖觀察
晉楚有聲

晉楚當年治譜畱好分餘澤被揚州俗祛奢靡先崇儉
政戒因循莫近柔琪樹定隨珊瑚網獲芳郊好奉板輿遊

驅車我亦風塵去不識能同宦轍不

送及門粟芸畦明府之官四川

作宦如文一味清早從佳製卜循聲雲迎萬里開丹嶂
雨灑三春到錦城詩老近尋潭水宅都人盡識榜花名
文翁教授乖崖法好倚先賢報政成

有感

扣槃天籟起巖阿自賞孤芳兩鬢皤賦就三都誰作序
著書從古不傳多

懷孟生醇泗

系集卷之三
孟生別來久客裏望并州覓句浩然妙負薪東野愁芹
泉重嶺碧槐雨故關秋何日曲江上看花同舊遊

詠史十二首

宋室名將媲美漢唐武惠行軍未嘗妄戮一人
尤古今所罕見中興諸將以張韓劉岳並稱然
實不相同張俊黨檜害岳罪不在檜下魏公挫
師妄殺亦不無遺議光世雖得士卒心然無志
克復惟韓岳名垂宇宙威震華夷劉錡順昌之
捷庶幾鼎足統宋代次第詠之成十二首而二

張不與焉

曹武惠王彬

一生清慎濟陽王馬郭勳名媲美漢唐城克金陵民按堵
同心諸將誓焚香

曹武穆公瑋

教子三登上將壇寶臣材器作兄難豫知元昊爲邊患
經略他年仗范韓

高武烈王瓊

太尉乘機請渡河澶淵威懾契丹和武臣謬作書生語

教子偏通經史多

狄武襄公青

宣撫平蠻進相公賞逾武惠震奇功燭天光怪平章第
醺祭無人辨夜中

王武恭公德用

名傳黑相靖邊隅應變何庸賜戰圖運用一心韜略妙
勝他趙括讀兵書

楊武恭王存中

卅年親領殿前軍破賊濠梁勇軼羣題閣不同誇一德

忠良際會慶風雲

韓忠武王世忠

恢復中原志未酬
半生勲蹟在揚州
使船如馬黃天蕩
老去騎驢湖上遊

岳武穆王飛

尊王攘狄志春秋
忠孝完人第一流
三字獄成千古恨
造端張俊罪之尤

劉武穆公錡

都護威名著順昌
妨賢爭奈遇三陽

張俊秦州三陽人

南朝那

及金人識善戰無如劉四廂

劉武僖王光世

願史書成第一功晚年驕惰負初衷中興名將推韓岳
張俊與君退縮同

吳武安王玠

戰守烏珠入蜀難惜阿張浚自相殘富平兵敗旗空豎
不殺金人殺曲端

吳武順王璘

亦如愬愿鎮西秦昆弟同經百戰身聲聽鼓聲思將帥

法通三駟更何人

花券

京師蒔花人以時送花立券而取其值名曰花券戲贈以詩

風雅買花人論交市道新隔年一紙約入座四時春
擬償詩速符分調水頻囊中餘左券宦況未全貧

織簾書屋詩鈔卷四

辛卯至癸巳

天津 沈兆澐 雲巢

出守松江

一水雲間去征帆過里門爲官將母樂垂訓報君恩
澤國殷康濟冰心薄飽溫十年東觀地經術敢空論

重過河間有懷故人

瀛海樓臺勝畫圖當年雨笠憩征途何堪綠水叢篁徑
又過黃公舊酒壚細柳營荒秋牧馬長桑廟靜曙號烏
一周星紀須臾頃風景依然未覺殊

己卯秋過此

東平詠古

無鹽城

齊宮內助播賢聲地似蒼林誌降生列女鍾離光簡冊
羞他南國慣傾城

霸王墓

一劍烏江霸業空亡秦至竟是英雄孤城不絕絃歌響
守塚家家祀魯公

東方朔故里

三千奏牘上公車避世金門廿載餘石刻至今畱畫贊

右軍書後魯公書

梁灝坊

灝登第在壯時載東都紀畧後人譌傳八十二

漫說龍頭屬老成
文章壯歲冠羣英
承家不讓張思德
綽楔同標父子名

子固亦狀元

辛卯九月監試江南和程梓庭師監臨感懷韻

錄二

朗鑑雙懸霽月高
詠霓人盡是仙曹
丹霄思折三秋桂
彩筆偏題九日儵
得水魚龍作霖雨
乘風鵬鶚振霜毛
手持佳卷篇篇讀
不暇尊前問蠨螋

筦鑰嚴司夙夜寅
風檐寸晷識艱辛
此時試院煎茶客

當日師門立雪人末坐頻邀垂緒論舊遊還得結芳鄰
趙蘭友同 摘毫強續東坡句仰企歐陽步後塵
住東偏

江南闌中

積潦初消銷院開竹牀皮几亦莓苔飛虹橋畔看流水
記翦秋江一櫂來

諸君樹幟競騷壇顧我惟從壁上觀午枕雨聲催夢覺
菊花香裏品龍團

題王石谷山水小景

耕煙外史善山水氣韻生動罕與比渲暈妙兼南北宗

藝苑名繼煙客起偶寫小幅寄遐心細流瀠洄石磯磔
古寺竹徑一僧歸老樹柴門扁舟艤輞川似撫王右丞
江村欲勝趙承旨逸興當年想縱橫萬派煙雲縮尺咫
圖畫神技信如真天然圖畫景尤美客舍高懸當臥遊
何如卜築蒼巖裏

之任松江道中

曉天雲重夢回遲驛路聲聲聽子規寄訊桑乾橋下水
出山可勝在山時

江南佳麗半模糊四境流民欲繪圖夾道聚觀香案吏

我原識字一農夫

謁方正學先生詞

卽祠建求忠書院

成仁夙具大儒風何恃高僧識隱衷一字春秋嚴大義
萬家魂魄泣孤忠荒祠新葺依黃浦完卯獨存勝孔融
奉賢有先生遺孤必昌墓課士端期傳正學瓣香同拜講堂中

贈奉賢陳禮園舍人

君登秋榜我生初峯泖相逢八秩餘傍舍曾栽千畝竹
傳家祇贖五車書愁生聽雨北窗臥隱憶看耕東郭居
以先世聞耕詩冊索題圖治從來資父老可能規戒一開余

贈方生元標

正學先生裔孫

讀書種子天不絕世世子孫青衿列草間杵臼存遺孤

壟上宗伯爲題碣

遺孤必昌墓董文敏題碣

昔年大義重君臣麻衣

痛哭肝腸裂殿下難逃董狐筆石上長畱蓑宏血坐死

八百七十人朋友門生皆忠烈高皇默佑信有神覆巢

完卵酬奇節先代循吏貽家風

先生父克勤入循吏傳

後嗣處士

亦邦傑遜志堂畱古文章求忠院標士圭臬奕世正學
傳雲間業衍箕裘最親切勗爾特立毋隨時佼佼人兮

錚錚鐵

系集言分
題陳文莊公閱耕詩冊

綠野乞閒身南橋晚卜鄰傳家耕且讀有道貴能貧直
節昭惇史恬懷啟後人詩章珍手澤千載壽貞珉

尋袁海叟白燕庵故址

聞道詩人有敝廬茸城訪去蹟模糊斜陽蔓草烏衣巷
遠樹寒煙鶯脰湖斷碣青郊沒苔蘚空堂白日走鼃鼃
梨花柳絮迷春夢欲寫邊鸞設色圖

松江五賢詠

象簡金泥帝寵頒才名昆弟重雲間陸家典籍東西屋

何氏園林大小山先德關閩傳絕學父易以理學名同時翰墨

冠清班從茲思白與張沈書法相承世莫攀沈學士度粲

千秋墨妙寶香光誰識名流善退藏奄豎持權悲黨錮

柳峯隨地足徜徉衰齡奉召驅車倦老友敲詩和韻忙

余得公和陳眉公十三真蹟飽看瀟灑致不須響揭戲

鴻堂

董大宗伯其昌

八法知君是樹峯

孫司成岳頌

翰林供奉步前蹤鳳池視草

摘毫侍豹尾陪軒橐筆從好佛頓能通妙諦活人常爲

霽天容人間墨寶流傳外治獄于公百代宗

張大司空寇照

探花使者玉堂仙
政事文章兩燦然
擒賊奮身先士卒
仕大梁揮毫過眼繞雲煙
恩叨予謚官三品清到臨

道時事終囊一錢修史我曾親秉筆

余提調史館時爲公補作傳國朝官三品直南

齋贈侍郎

予謚

才名不愧澹人前

沈官詹荃

晚泛青浦

江樹壓寒煙
春流水接天
蛾眉上新月
鴨觜漾輕船
潦積閒耕耒
民流愧俸錢
巡行亟勞來
高枕肯安眠

放舟

似奉羽書催
深宵冒險來
輕帆飛戰馬
駭浪響奔雷
麥

穗時將熟菜花寒未開重重山影過儼泛蜀江回

題謝仲源南沙集

仲源美鬚髯昔館津門徐鞠圃中翰家茲讀遺
集鞠圃墓已宿草不勝慨然因次集中自題韻
沽上浮雲寄此身蹢躅海鶴健精神卅年詩卷重披讀
大笑掀髯見故人

寒梅孤嶼認前身五字清新筆有神記得漁洋傳昌穀
能詩多是布衣人

客中清瘦苦吟身吟到黃花思入神九日東籬曾共醉

秋風何處種花人

贈青浦何書田

清風颯然至一見慰遐思惠我黃門集

貽重梓陳忠裕公集

吟君

白燕詩階庭生玉樹巖岫采仙芝欲泛青谿櫂論文就
竹籬

題黃唐堂石牧圖

夙好結林泉歸來未老年新詩香屑集舊吏玉堂仙赤
烏鬚眉古青山草木鮮披圖仰高躅妙訣養生傳

一二喬觀兵書圖

美人教戰笑吳宮
讀徹陰符姊妹同
信是帷中操勝算
不教夫壻屈曹公

述懷呈潤田兄

峯泖遊來閱暑寒
愛民容易化民難
一琴自許如清獻
小草人嗤似謝安
聽雨軒中聯句好
瞻雲堂上奉親歡
署中堂日瞻雲軒日聽雨
十年舊境蓬萊島
已隔人間萬里看

閔旱

往歲傷秋潦何堪
又旱災艱難民力竭
懷抱幾時開
秋漢經天朗
狂飈震地來
誠祈惟省咎
愧乏作霖才

戽水行

一水分百流戽水千萬戶朝朝暮暮戽水聲戽水人苦
不覺苦我行田野六月間久旱原隰皆焦土愧無膏澤
潤蒼生惟竭虔誠祈甘雨雨不降兮可奈何幸有潮來
黃歇浦潮長戽水多挹注忙到小兒女潮落戽水少欲
挽天漢恣攜取汗流氣喘饑眼花戽水餘勇猶堪賈今
日潮退不及畱明日潮長還思補何須輓轡競引汲何
須桔槔隨仰俯車輪妙轉河之涯大汎滔滔記子午堪
歎貧民無水車伏地痛哭安忍覩靡神不舉或旁通已

感金龍德施普

歲旱而潮旺咸以爲河神效靈

天功究勝人力多滂沱

喜兆商羊舞

求雨謠

天不雨曬龍子致雨懶龍急掉尾老龍護子怕天晴老農護田喜雲起

雲起西雲起東雨隨雲灑無狂風雨日雨渥田畝裏三日雨足陂塘中

友以詩訊近狀卽次其韻

九峯三泖裏得得一麾來民革懷甄俗官祛磔鼠才催

租憐歲歉臥閣任人猜興倦多歸夢津沽舊釣臺
懷爾因成羨剛逢寄訊來煙波餘樂趣詩酒老仙才無
競人偕適忘機鳥不猜何時訪遊蹟迢遞隔蘇臺

讀史有感

當年讀史勵前修人表當居第一流仕宦已成年半百
問心何事可千秋

直書行事卽公評史傳編摹重七卿從古寥寥循吏輩

不妨官小最知名

明以六部都察院尚書侍郎都御史副都御史爲七卿明史有七卿表

國朝京官一二品有傳三品惟副都御史與焉外官總督巡撫有傳惟循吏則不論官階文苑儒林同

贈倪畚香明經

梅花香護一樓居中有高人愛讀書
荒徑不曾緣客掃薄田常爲帶經鋤
裁成弟子皆通籍歌詠兒童亦自如
民莫關心能助我雲林不負訪遽廬

得雨

禱雨城鄉百姓同焚香擊鼓及兒童
沛然三日甘霖足不是雲間太守功

閱海塘

塘去金山
縣城里許

重隄保障沃田開境僻曾叨
法駕來萬派朝宗趨福

地中流砥柱仗雄才眼前雉堞如山峙腳底鯨波拍岸
回修築年年敵風雨瓊瓏石傍白雲隈

石壩曰瓊瓏

黃浦江

空江浪裏一舟輕左右傾敲之字行蓬腳卸疑前路阻
榜人眠待早潮生福泉山遠無傳柝吉貝花開最眇晴
權作衙齋柁樓底詩編訟牘几縱橫

上海

山到吳淞盡船來粵海遙江風寒挾雨村樹矮承橋鴈
戶開田瘠人家近市囂登城望津郡歸去欲乘潮

西園

在上海潘氏舊居

壺天小住夜眠遲
雪滿巖巒月滿池
忽聽書聲來隔舍
寒窗鐙影憶兒時

吳淞口

估客蠻夷雜雄關
控海門帆檣成聚落
潮汐迭朝昏
地險居民逸時平
戰壘存東南
資保障曾此靖孫恩

寶山

時隨軍門防夷海上

險扼海門濤連山
冠巨鰲沙痕浮浪淺
塘勢壓城高
曉色來千里天風下
萬艘遠隨都護至
擊楫敢辭勞

重過吳淞口

素濤遙接碧天秋，雲影山光送客舟。
衰柳萬株環縣郭，長隄一曲劃江流。
備倭空覓南塘壘，榷稅高臨上海樓。
記得炎天曾倚柁，幾回釃酒撫吳鉤。

渡海

快哉浮海滿帆風，海上山銜落照紅。
行過兩更海程以七十里，
爲一纔十刻一輪月湧碧濤中。

贈關厚甫都督

重鎮吳淞接來乘，破浪風地形懸海外人。
語雜山東鵬

嶼三沙互鯨波百粵通綏疆資將略僚案盡和衷

崇明

控制東南半壁天登陴一覽豁雲煙沙洲茅屋前朝寨
鼓角牙旗萬里船山勢重重隨岸轉波光面面抱城圓
承平卅載銷烽火慎重巖疆十郡連

疏才讞獄越疆遊海外嚴寒而月畱十效客回青雀舫
小陽天擁紫貂裘人虞風浪褰裳避我靖荏苒借箸籌
別路香花相送遠元戎小隊出城陬

周太僕祠

公名中鉉山陰人雍正時知松江府多惠政濬
吳淞江溺焉卹贈太僕卿祠久圯余爲移建城
南

文翁祀蜀郡朱邑祀桐鄉善政治洽肌髓沒世不能忘公
濬吳淞日身殉迴瀾狂勤事固大節愛民實遺芳當公
宰華邑治具已畢張詰禁窮姦宄搏擊嚴豪强桑下無
捕雉市上無飲羊 御屏紀公績循吏咨龔黃超擢雲
間守用慰東南望泖湖修水利漕涇築海塘畦塍足灌
漑田廬資保障借寇爭兩地攝篆兼太倉澹災亟疏濬

鯉浪罹奇殃公居從彭咸公德洽赤蒼五茸徧尸祝公
亡儼未亡祠宇久傾圯棲託依僧房我來肅瞻拜拂塵
盡然傷爰卜城南地移主奉馨香公神無不在如水流
汪洋傳聞公生日竹馬夢兆祥蘇松公小字果然福一
方事似有前定媲美太守湯紹興守湯紹恩我重公治行前言
殊渺茫嘉蔭鬱松翠虔禱羅椒漿奔走歡旄倪千載絲
烝嘗

重修文廟落成

憶我辛卯臘典郡來五茸下車謁聖廟入門草橫縱宮

牆高數仞欲落如危峯庀材思興作財匱憫歲凶越年

秋稼熟集事歡章逢奮然捐俸倡樂輸逮三農賢哉張

氏子

日暄

薄產非素封千金新殿陞母訓能敬從鳩工得

潘

銓宗秀

沈

慈璇

龜勉協恪恭次第皆修葺庭廡及垣墉我

昔官翰苑分獻遊辟廳堂上歌洋洋堂下舞雍雍雲間

數典闕無羽惟笙鏞教以執籥翟俯仰習毋愾階墀廣

砌石器備兼聲容儒者服聖教禮樂資陶鎔非徒崇廟

貌所貴希芳蹤天性本粹美聖人與人同古治尚淳樸

千載畱吳淞題詩紀歲月道光癸巳冬

詠古

紫氣沖牛斗中夜光燭天下臨豫章郡豐城閼龍泉鎔
冶赤山精沈埋將千年掘地石函啟拭土霜鏐連至寶
不終闕搜獲心精專雷煥使爲令吾慕張茂先

天驥不自媒鹽車困羈縛歎息精權奇徒爲辨驪駘阜
樞一顧空價值千金索妙識觀天機驅黃誠所略籥雲
騶裏姿驚駘漫假託相馬九方皋知爾惟伯樂

贈姜小枚明經

姜君工詞翰書記逾孔璋貽我詩百卷

松江詩鈔

字字羅琳

瑯下車觀風始因之識淳良扶輪大雅材相期登玉堂
送陸萊城同年之福建

君姿如雲鶴君才如士龍宦遊仙霞嶺歸臥橫雲峯別
業開三徑咨詢時過從悵然乘輅去三山煙雨濃

偶成

挂帆東風起崇朝行百里卓午倏西風纜繫菰蒲中來
船駛如箭榜人怨且羨順逆兩無因我自泯喜嗔

題畫田竹簪山房詩集卽用見贈韻

恬吟歲月任推遷茂竹林中友七賢寄興愛遊黃歇浦

逃名懶著祖生鞭情超物外難諧俗句妙天成不鬪妍
詠到梅花修亦到林逋原是地行仙

次吳玉松前輩過青浦韻

思君千里共陰晴望裏湖光一片明梅雨灑當春月暮
布帆開趁晚潮平臨風聞笛客停槳信步看花香滿城
三泖漁莊人憶舊雲間相替主詩盟

王素堂明經邀遊橫雲山

九峯之一橫雲山山人修史曾此住素堂邀我拾級登
蔚然深秀重重樹山腰里許龍洞深潛通薛澱涵煙霧

新祠展拜答神庥夏旱三日甘霖布循磴龍壇舊蹟湮
斷碣榛莽竄狐兔西入竹徑禪院中巍然殿宇山靈護
建塘方公岳貢尸祝宜易奉旃檀無乃誤樵子吹笛趁夕
陽山房穿雲來緩步主人畱客凭闌干有芝初生傍楹
柱當年手植三槐枯庭階今見滋濃露郎君甯馨方韶
年僧虔蠟鳳才穎悟定徵成器皆璵璠不關有癖好稱
譽茶話移時塵慮消吟鞭歸路秋郊暮多君預約來春
遊明年不知在何處

題陳葑洲中丞夢禪遺照

寓意畫圖中飄然萬慮空名場蕉葉鹿宦蹟雪泥鴻泡
影繁華歇憂患平智慧通拈花成一笑開落任東風

癸巳十一月受代赴蘇作

量移計日詣蘇州典領雲間閱兩秋臥閣治慚春有腳
攀轅話喜說從頭郡人士以攀轅百韻詩見贈吏安無事洵爲福政

拙催科漫報優力穡時防因訟誤

余書楹帖日守勵清廉憶十年東觀讀書

叨陪講幄風雷淳樸願百

懸鞭情敢用刑求法精繁露

誠祈雨

壬辰早用春秋繁露法求雨輒應是年中稔

地僻無糧遠泛舟糶米

亟爲煎海計

松江商販不通開倉賑穀余復捐俸往蘇市米平糶旋糶旋購輾轉運俗謂之煎

海邑人潘銓及宗秀董其事耀及萬石灌田頻集濬河謀松江各屬河學

宮修葺崇文教賢裔搜羅勵士修方正學裔孫元標深

闕九泉枯骨潤每春掩骼埋胔邑人張秋槎廣開千厦

棄嬰收增育嬰費邑人朱松喬勞心欲稱分符職施澤

全資借箸籌耀日旌旗趨滬濱壬辰夏冬兩乘風帆楫

達沙洲崇明勘盜何能坐嘯如成陞卻聽閒吟有陸游奉賢陳禮

園婁縣張遠春雨先生舊蹟戲鴻搜妙墨沈十峯家藏墨刻醇儒觀象訪

高樓倪禽香著講習仍文字真如蠹戶足饗殮庶有鳩

祠祀黃婆收吉貝郡種木棉祀黃道婆禾登綠野祝甌窶正當龍

隰虞成潦偏值驪歌動別愁榆社人皆來獻酒棠陰我
亦戀停騶相思一水如衣帶互寄魚書速置郵

畱別松江士民

雨雪崑山百里迎又乘五馬向西行兩年治獄無畱牘
一事關心是望晴進酒多情圍野老攀轅臚頌集諸生
水雲亭外勞相送無盡臨歧依戀情

崑山

楓葉落紛紛寒山半白雲煙村繞山下泉水向田分

滄浪亭贈小蓮和尚

四面亭空俯綠潯到來城市忽山林參天古柏千尋碧
臥雪寒梅一徑深塵鞅何人參佛諦波光是處印禪心
蓮龕羨爾能招隱明月清風助苦吟

倪畚香輓祠

驚聞撒瑟重欷歔不見雲林半載餘恬澹風希鹿門隱
高明人愛象山書捐田瞻族居仍陋講學來朋道不孤
寄語華亭宜祭社當年曾式段干闥